

Tri tra trallalaaa, d DR-Reis fangt scho a...

Sind alli 8 Wiiber mit ihrne Velo da?! -> JA. Sind d Chettä gschmiert und d Schaltig gflickt gahts Reisli is ungwüsse los. Es wird trampled und trampled am Märlichschloss verbii (Nefti), dä Prinz isch jedoch verborg gsii. Und wiiter immer wiiter und tüfer bis uf Teufe isches gange. Edä Irchel-Ränk sind eus 2 Retter uf hohem Wage kurz vorem Hungertod zu Hilfe geilt. Es isch gsi wie im Schlaraffäland, und dä Usblick eifach kaiserlich. Leider hend die 8 Zwerge aber wieder ihri Draht-Schimmel müesse bestiege. D Wiiterfahrt isch guet gange, bis mer e holdi Meid mit ihrem Knappe troffe hend (känne mer die??!) Die fremde Truppe hen sich nur als harmlosi?? Nüssli entpuppt, doch die z traffe isch wahrlich e grossi Schüsskunst. Über wildi Flüss und durch gewaltigi Stürm isches dä 8 Zwärge glunge dä europagrösti Wasserfall z erreiche. Nach dä Tafelrundi gahts uf i neuu unbekannti Abentür. Dank dä muetige Tat vodä Zwärge hends dörfe persönlich zum Scheich Ben-Salem und sine Kamel, Dromedar oder doch Trampeltier? So hends ihri Riitkünst au no under Bewies chöne stellä.. Als Belohnig hets au no Tee und Fladä gäh.. Bim warte ufs Transportmittel sind dänn plötzlich nostalgischi Erinnerige an Kasperli und TKKG und co. ufcho.

Wieder idä Zivilisation acho hend leider d Schimmel immer no a ihrem Platz uf d Bsitzer gwartet für d wiiterfahrt. 1,2 und 3, scho gahts wieder los richtig Schlafplatz. Zum Stei am Rhii, det gömer hii und gschlafa hämer ordentli. No öpis chlises zum Schluss vom Samstag. Mamma Mia Perce lah s singe bitte bliebe..

Am Suntig hend die arme chrüppel Zwerge es Morgeässe für e Sklavin becho. Doch kämpferisch wies sind, hends sich wieder für e letschts mal ufd Velo gschwünge. Am See nah hindereme Veloahänger ischs schnell uf Kreuzlinge gange. Det hät die schwierig Ufgab gwartet s richtige Schiff z finde. Leider hät äne am See dä Erlebnisbus nüm gwartet. So sind die 8 Wiiber schwerem Herzens ohni d Affe ihri Büch go fülle. Immerhin hends die gross Strass no überquärt zum vom Restaurant id Boulangerie z cho.. Aber det sinds so gstresst gsi wäg em Schiff wo nöd wartet, dass dä Dessert im stah hend müesse ässe. Doch für die wo nonig gnueg gha hend hets ufem Schiff no es Babybell gäh.. Viel gfilmet und gföted sind die 7 Stars ufem Schiff worde..

Am Bahnhof sinds dänn gstande ganz verlore (Am So fahrt d S8 dänk nöd!!) Hend sich halt 6 jungi Dame ufgmacht id Männerwält um sich no es letschts Mal z stärke. Immerhin häts no ufschlussriiche Föteli gäh für da Wuchäend. Im Zug hend dänn all vo ihrne gfährliche Abentür träumt und sind mit dä Gedanke scho under dä warme Duschi gsi..

Idem Stuck hend mitgspielt: D Schlaf-Sarah, Babybell-Ramona, Stress-Steffi, Raser-Sämi, Harley-Bärbel, Pech-Gela, Finger-Vani und d Schwöster-Dina.

Häuptling Krambabulin und Negermeitli Chouchou sagen Danke fürs organisieren.. Die zwei Märlitante verabschieded sich bis zum nöchste Abentür.